



Adresa: Ul. H. Čemerlića 39
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: UP-1/21-3-40-514-3/22
Datum: 03.11.2022. godine

«Agencija za vodno područje rijeke Save» Sarajevo rješavajući po zahtjevu Investitora „Rudnici boksita Jajce” d.d. Jajce u postupku izdavanja vodne dozvole za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-rude boksita sa rudničkog pogona „Bešpelj”, općina Jace na osnovu člana 139. stav (1) tačka 3. i 10. Zakona o vodama („Službene novine Federacije BiH”, broj 70/06) i člana 200. stav (1) Zakona o upravnome postupku („Službene novine Federacije BiH”, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „Rudnici boksita Jajce” d.d. Jajce za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-rude boksita sa rudničkog pogona „Bešpelj”, definiranog s prelomnim tačkama:

TOČKE	KOORDINATE	
	Y	X
A	6.442.000	4.919.600
B	6.445.000	4.919.800
C	6.446.000	4.920.500
D	6.448.000	4.921.000
E	6.448.000	4.920.900
F	6.446.000	4.920.000
G	6.445.000	4.919.700
H	6.445.000	4.919.600
I	6.442.000	4.913.300

2. Ova vodna dozvola se odnosi isključivo na objekt definiran točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i utvrđenog činjeničnog stanja na objektu i pod slijedećim uvjetima:
 - 3.1 Da korisnik izgrađenih objekata i instalirane opreme koji se koriste za eksploataciju mineralne sirovine-rude boksita sa rudničkog pogona „Bešpelj”, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2 Da korisnik navedenih objekata za vrijeme trajanja ove dozvole, osigura da se oborinske vode iz kompleksa za eksploataciju mineralne sirovine-rude boksita sa rudničkog pogona „Bešpelj” kao i svih manipulativnih površina, nesmetano sakupljaju i odvođe do objekata

- predviđenih za tretman otpadnih voda - sustava taložnika s ispustom, preko separatora, u definirani recipijent. Ispuštena voda iz separatora masti i ulja mora biti sukladna Uredbi o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
- 3.3 Ukoliko Vlada kantona propiše dodatne (strožije) uvjete za ispuštanjem oborinskih, onečišćenih voda u površinske vode, od uvjeta definiranih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.4 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.5 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža, taložnici i separator ulja i masti) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.6 Ukoliko se čišćenje radnih strojeva vršiti unutar industrijskog kompleksa, čišćenje vršiti isključivo na betonskoj podlozi s izvedenim sustavom odvodnje prema taložnicima odnosno separatoru ulja i masti.
- 3.7 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.8 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata kao i drugih opasnih materija na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.9 Otpad koji nastaje u postupku proizvodnje i drugi nusproizvodi, te mulj iz uređaja za tretman otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.10 U cjelokupnom kompleksu koji se koristi za eksploataciju mineralne sirovine-rude boksita sa rudničkog pogona „Bešpelj“, zabranjuje se pretakanje nafte i naftnih derivata u bilo kom obliku i namjeni izuzev na označenom lokalitetu predviđenom za pretakalište za naftu.
- 3.11 S ovlaštenim poduzećem sklopiti ugovor o održavanju, čišćenju i pražnjenju separatora masti i ulja i voditi evidenciju o istom.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, „Rudnici boksita Jajce“ d.d. Jajce je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.

7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama se daje sa rokom važenja od (5) pet godina od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentirani zahtjev za izmjenu ovog vodnog akta.

O b r a z l o ž e n j e

Pravni subjekt „Rudnici boksita Jajce“ d.d. Jajce se pismenim zahtjevom obratio ovoj Agenciji tražeći izdavanje vodne dozvole za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa koji se koristi za eksploataciju mineralne sirovine-rude boksita. U provedenom postupku dostavljena je i pregledana slijedeća dokumentacija:

- Aktualni izvod iz sudskog registra broj 051-0-RegZ-22-000313 od 09.03.2022., izdanog od Općinskog suda Travnik;
- Ovjerenu kopiju uvjerenja o poreznoj registraciji izdato od strane Kantonalnog poreznog ureda Novi Travnik od 15.11.2018. godine;
- Ovjerenu kopiju uvjerenja o registraciji/upisu u Jedinostveni registar obveznika neizravnih poreza, broj 04/1-17-1-UPJR/1-15676-2/18 od 20.12.2018. godine;
- Rješenje o okolinskoj dozvoli za rudnik „BEŠPELJ“ br. UP-1-05/2-23-11-128/17 od 03.05.2018.god. izdano od Federalnog ministarstva okoliša i turizma F BiH;
- Izvještaj o rezultatima monitoringa br. 01-2-2-52-IV/21 od 16.04.2021. izrađen od „ZAGREB INSPEKT“ d.o.o. Mostar.
- Rješenje o odobrenju za eksploataciju boksita na eksploatacionom polju Bešpelj br. 04-18-1079/09 od 12.03.2010., izdano od Ministarstva gospodarstva KSB;
- Rješenje o vodnoj dozvoli br. UP-1/25-3-40-472-3/17 od 12.09.2017., izdana od AVP Sava;
- Projektno tehnička dokumentacija, Glavni projekt instalacija vodovoda i kanalizacije za pogon „POLJANE“, izrađen od „ZAGREB INSPEKT“ d.o.o. Mostar oznake 01-15-5-9-IV/14 iz travnja 2014. (vraćena Investitoru na uviđaju);
- Ugovor o zbrinjavanju opasnog otpada s poduzećem „GRIOSS“ d.o.o. Grude br.49/17;
- Kopija uplatnice o plaćenju upravnoj pristojbi;

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-514-2/22 od 27.10.2022. na kome je konstatirano sljedeće:

Na kamenolom „Bešpelj“ vrši se eksploatacija mineralne sirovine- ruda boksit bez korištenja tehnološke vode.

Kompletna eksploatacija rude iz eksploatacione jame vrši se pomoću strojeva i opreme na električni, odnosno pneumatski pogon, a transport unutar kruga za utovar i pretovar rude boksita s vozilima na sus pogon.

Za pretakanje nafte i naftnih derivata koristi se izbetonirana, vodonepropusna podloga s sustavom odvodnje prema separatoru ulja i masti.

Za dijelove površina kojima se kreću vozila na sus pogon izrađen je sustav odvodnje, prema taložniku koji je spojen na separator ulja i masti s prelivom u kontrolni šaht i ispuštom u okolni recipijent.

Materijal iz taložnika se koristi za održavanje i nasipanje vanjskih, putnih površina.

Čišćenje i održavanje separatora ulja vrši ovlašteno poduzeće za tu vrstu aktivnosti „GRIOSS“ d.o.o. GRUDE.

Program za monitoring otpadnih voda i uzimanje uzoraka iz kontrolnog šahta obavlja se od strane ovlaštenog poduzeća „ZAGREB INSPEKT“ d.o.o. Mostar.

Izrađena vodonepropusna septička jama za prihvrat fekalnih i sanitarnih voda koju održava i prazni JKP „Vodovod i čistoća“ d.o.o. Jajce.

Sve navedene aktivnosti su urađene po projektno tehničkoj dokumentaciji izrađenoj od „ZAGREB INSPEKT“ d.o.o. Mostar.

Na osnovu očitovanja Službe za prikupljanje prihoda od vodnih naknada konstatirano je da podnosilac zahtjeva „RUDNICI BOKSITA JAJCE“ d.d. Jajce, redovno izmiruje svoje obaveze uplate po osnovi posebnih vodnih naknada.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatira se da je podnosilac zahtjeva „RUDNICI BOKSITA JAJCE“ d.d. Jajce, ispunio minimum uvjeta za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode, sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13). Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.grad.

Po ovlaštenju
Rukovodilac sektora za
izdavanje vodnih akata


Haris Ališehović, dipl.inž.grad.

Dostaviti:

- „RUDNICI BOKSITA JAJCE“ d.d Jajce, Divičani bb, Jajce
- AVP, ISV – Vodna knjiga
- Sektor 50.
- Sektor 40, arhiva
- Oglasna ploča-AVP Sava